

玉
笙
樓
詩
錄

玉笙樓詩錄卷十一

海昌 沈壽榕

光緒辛巳

元日書懷二首

歲首已逢辛猶遲五日春

正月五日立春

同斟藍尾酒未

醉白頭人

余方斷飲

舊作重刪藁羣材正積薪梅花無

世態寂寞老西鄰

在昔

成皇帝元年紀道光

道光元年辛巳

我生遲兩載

余生於道光三

三才圖會
年癸未 人事久全忘尙記兒時樂無如此日忙吁嗟
今老矣獨立感蒼茫

春草

領畧東風意如雲碧可憐十年春夢後樸齋弟沒已十年矣
萬里客愁邊荒服不毛地微陰欲雨天肥羊同瘦
馬一例老蠻煙

普洱謠六首

隴蹕調

石屏州屬夷人婦多至思茅山地爲人負

茶至普每與惡少遊唱躑躑調爲嬉又名
曰跳躑躑以其行遽也

客從迤南來且問迤南樂但見少年美不知少年
惡石屏夷女健腰腳出門大笑男兒弱招攜遠作
茶山行茶葉尖如妾命薄薄命將奈何聽唱躑躑
歌歌拍雙聲起雙舞郎心不知妾心苦君不見普
洱城南人幾家家家人有思茅茶少年飲茶莫飲
酒醉向腰間尋七首

山水錢

漢民自外來者先租威遠土司地耕種曰
山水錢近有不給錢而構訟者土司無如
何也

邊外邊田外田土司土山水錢土田開漢人來錢
不我與田不汝栽吁嗟乎土人強漢人弱有水有
山土司樂土人愚漢人詐投牒爭田土司怕

白龍廠

廠距普郡數十里產銀銅礦人爭趨之久
煎無汁礦棄道旁若糞土然

似銀非銀銅非銅白龍飛去青山空百鍊千錘礪
無色棄置道旁人不識吁嗟今人不若古那見黃
金賤如土何年點石盡成金南人不道南方苦

黃牛稅

思茅廳設局於普洱府城外民間買牛必
橫索錢且云水牛爲耕牛黃牛爲菜牛云
汝家買水牛我家買黃牛耕田負重無時休今朝
催開墾明朝查荒蕪長官不知牛有無水牛名耕
牛黃牛名菜牛遠來近來錢須抽君不見野老牽

牛獨垂淚東門設有思茅稅

石嫂廟

廟在郡西城外依山鑿女仙像土人稱爲
石嫂嫂求嗣者往禱焉

西城城外尋石嫂西山山下同唱歌小姑拜禱遊
人笑求子方來石嫂廟今年十八未有郎十三鄰
女將催妝嫂心如石不可轉急來抱佛而今晚

地府游

士人某至普云能攝人魂至冥中見種種

狀曰游地府

幻術欺人等於蠱敢攝人魂游地府春宵讌語事
偶然劍樹刀山誰目覩吁嗟乎紛紛人鬼今尤多
世上不平空奈何青天無復包閻羅黃州且學蘇
東坡

得童遜庵觀察韶州書並和前作意猶未
盡復寄一篇依韻奉答

尺一書中寄兩詩精嚴手筆細心思遙遙嶺海初
行處落落韓蘇再見時政事好爲儒者重

君莅南
韶道任

崇祀典興學校
舉節孝力行大政

狂名難避俗人嗤

近人皆呼
榕爲詩癡卜

和別足旁觀痛珍重明珠又贈誰

附

奉和意文方伯寄懷之作

童 棫

鏡前正作寄君書忽遞郵筒躍鯉魚政
績喜教傳嶺外詩懷依舊溯黃初百觥
酬客公猶健十倍論才我不如他日歸
雲莫東去

君寓成都數十稔
乃欲歸老蘇臺

且拌相對

髮蕭疎

意猶未盡卻寄一律轉索和章

尺素傳來並得詩
頻年闊別慰相思
那知萬里懷人處
正是千秋立業時
麟閣穹窿君不朽
牛車薄笨我堪嗤
儋州自古名流少
坡老而還合問誰

得吳梅生方伯黔中書奉答四首

名德淳達縣人

離悰欲寫重紛紜
時事相傳有異聞
海氣方驕橫

島嶼

時南北洋皆設防

天顏初喜借風雲

君自黔臬入覲卽拜滇藩之命

刑章自定嚴

三尺

來書云刑名案牘多前十倍

民力能寬望一分

滇設釐局過多我

擬閒來磨斗墨待公乘醉爲書裙

君善草書

良訊兼金入手歡敢將俗語賀遷官趨庭邊郡棠

陰舊

尊公曾官
澧江太守

近日春風花事闌吾道權爲窮塞

主君家早作故鄉看

君居達縣
榕舊遊處

相逢定訝東陽瘦

撚斷吟髭字未安

根餘蔓草急難圖忍聽城頭尾畢逋糞土雲霄翻

頃刻瘡痍喘息待來蘇鞭笞可減聲揚沸圍轉無

形勢破觚我爲殘黎陳隱痛有人先告使君無

年長肩隨作弟兄已多白髮可無情相思兩地夢

尤苦若論千秋官最輕曾記浣花喧社酒

君前寓成都往

還甚親

也同橫草立功名

壬申同辦典義軍務

一篇寶劍淒涼

意漸覺年來意氣平

乾麋子行

有序

道光二十六年四川廣安州戴家場民鑿煤
至山腹見八人卧洞內若僵屍目睛猶轉視
怖而奔三人猝起綴其衣至洞口遇風而仆
一野老云此名乾麋子得地中暖氣故不死
復入洞飼以飯丸斃其二鄭秀才濟川見之

令先試一匙粥扶而起見今衣冠甚錯愕問之云我宋朝廣安軍人但知皇帝在臨安同鄉有安丙丞相叩他事皆不答二人逾年死其一人存十八年始卒按今廣安州乃宋之廣安軍安丙卽廣安軍人仕宋甯宗朝開禧二年吳曦反稱蜀王以安丙爲丞相長史後丙與楊巨源等謀誅曦後爲四川宣撫使令乾麋子所稱卽其人也岳池顧霽崖司馬夏香巖參軍桂馨實共聞諸濟川言余賦一篇

誌其異

聞所未聞怪如此山中掘出乾麋子道光末見開
禧人八百餘年猶未死廣安州屬戴家場羣峰紫
翠煙蒼茫土民採煤入古洞八人偃卧橫而僵初
驚爲魅循山出三者牽衣起相逐仰覩天光鼻息
微回看日影全軀仆髮膚宛同寒厥屍或云是物
名乾麋入山山崩幸不絕地中脉暖含生機再探
暗徑更得二啖以飯丸皆自斃又見三人類螫蟲
半匙薄粥姑先試輕扶細步行蹣跚開眸似詫今

衣冠自說宋朝愚百姓但知天子都臨安生來便
作挖煤匠名姓妻兒已全忘此方原是廣安軍同
鄉有箇安丞相叩其他事皆無知活十八年形似
癡顧君夏君向余告有鄭濟川親見之吁嗟乎古
有桃源逢世變天外休論秦與漢無情始覺青天
長鍊藥誰看白石爛乾麋尙記小朝廷腐草化成
秋夜螢安得細知南渡事再教說與史官聽

李帖瞻廣文

本昌

前居普洱郡因城陷負

其母奔猛先夷地有紀亂詩若干首來謁

乞正爲題卷端

朝來白髮叟告我廿年事狂寇陷郡城

李初居普
洱府避賊

移居
猛先

求安竟無地維時有老母蒼黃負而避九死

幸得生全家尙如寄幼子殊穎慧目下十行字母
殛痛摧肝兒殤傷折翅慘怛鬱中懷唏噓攄素志
感遇賦詩篇詩存還有淚我讀再三嘆解人良不
易麗藻揚春華美觀乏真氣羨君抱山隱差勝作
邊吏便教五鼎食何如一斗醉

不信四首

不信春將暮繁紅變綠陰雲頭堆嶺脊樓角倒潭
心一雨蛟流沫羣蠻鳥哢音離奇風土記聊付短
長吟

不信今年老迴思百計疎豆常饑棧馬網肯羨淵
魚白髮無情物丹經有用書此身嫌偏仄天地一
蘧廬

不信翻坤軸鼇荒蜃結樓破天人說鬼填海陸行
舟五十兵家法三千世界愁爭誇屠翦力妾馬幾
時收

不信多歡喜來師妙吉祥見貪如避海無睡獨聞
香自許詩宗律空饒舌廣長橫陳皆嚼蠟只此佞
何妨

可怪四首

可怪彈棋局無端兩不平庸材開殺伐豎子說功
名大局通盤算旁觀抵死爭漫云兒戲事先著最
分明

可怪聽官鼓更籌記總差牀頭夢蝴蝶水面叫蝦
蟆析急清霜警譙寒落月斜田夫渾不解雞唱引

三才言金
啼鴉

可怪青鸚鵡朝昏怨一籠宛然衿嘴異安得羽毛
豐黃雀猶思飽蒼鷹況搏空更番調舌苦學語怕
雷同

可怪翻盆鼠窺鎗借影紅千金機未發羣小穴爭
雄盜肉爰書定拖腸此腹空狸奴汝何職不奮爪
牙功

如何四首

如何天可問此恨太茫茫造化兒真小英雄老可

傷雲高呼闕遠地闊轉輪忙盤古殊多事先開大
戲場

如何仙可學能悟卽仙才碧簡金書秘黃嬈姹女
胎久思靈矯去空望鬱華來欲醉逡巡酒春藏甕
不開

如何能讀史理亂肯模餽楚漢推司馬春秋見董
狐後人爭袞鉞依樣畫葫蘆直筆翻疑案今逢老
吏無

如何能作畫寫貌便如生土偶笑桃梗神隄填鬼

晴虛無煩指點意匠出經營可怪屏圖海黿波世
欲驚

局促南荒吏四首

局促南荒吏風塵面目黧溝中餘卧瘠部下屬雕
題石瘦穿林出花濃著雨低護田新綠淺環折水
東西

性僻耽佳句低徊事苦吟破開奇鬼膽窺見古人
心絃管調商羽江河臆淺深與誰談細律老女學
穿鍼

自笑胸無事家如不繫船宦情滄海後春色夕陽
邊枕籍書將破鐘鳴夢不圓升沈吾意外底用卜
莛藁

好作信天翁生癡又學聾狂書走秋蚓守蟄抱冬
蟲未補蹉跎悔羞爭顧盼雄長天青萬里鳳羽正
翔空

得故人書

去年除夕大雨雹正月繁霜二月雪故人書來言
近事猶云城外冰如結南疆氣暖異北地每苦恒

賜嗟亢熱胡爲造化變不時桃李滿林寒欲絕遠
聞籌海禦魑魅請寬利網留膏血

時戈御史請
裁釐金密卡

或云庶女呼雷霆誰鑄貪形象饕餮巨魚縱壑固
自有蟋蟀吟秋應不屑此方民困地震三尙幸未
搖山嶸嶸普郡地震三次含悲隱與漆室同居位自慚文
仲竊況我野如麋鹿性試杖輕扶行跛蹙呼奴汲
泉煎苦茗俗腸快洗甘流舌

三月十一日風

閒眠小閣牀忽搖重門洞開風怒號老樹翻根出

筋骨雛鴉覆卵空皮毛橫飛瓦石自相擊萬馬奔
騰將破敵羣山直欲撲人來大地盤雲草如墨暮
春寒重疑深秋急呼暖酒披緜裘僮奴無言各伸
舌殘花半墮先低頭吁嗟此風真惡客來亦無踪
去無迹須臾日出紙窗紅吉祥止止生虛白

禽言八章

並序

禽言演之爲歌皆襲古題罕真意余官迤南
兩年矣行蠻山中多怪鳥審其音之切而意
可託者作長短句仍各標題以釋之

三
枝子花酒

鳥小身黑嘴黃色天微明
卽啼於庭樹作此四字

枝子花酒東家有猪西家有狗突地狐來張大口
走走走

枝子花酒蠻山奇險無不有狼在前虎在後何處
得來弓弩手走走走

茶花兩朶

夷人所蓄雄雞啼聲卽此四字
初出卵卽生尾腳不過二寸

茶花兩朶初生有尾人知我汝啄小蟲不飼我可
不可

茶花兩朶赤色高冠人怕我汝啄小蟲來飼我可

可
可

苦工

播穀時鳴于田間若催耕者其聲卽苦工二字

苦工工苦汝初生時吾與乳汝今高飛養毛羽汝
汝汝

苦工苦工公不惱汝汝惱公誓將放汝荒林中空
空空

黑頭公

形如小鳳而頭黑鳴聲若黑頭公然

黑頭公公頭黑已作三公頭未白窖中金門下客
嚇嚇嚇

三
公
木
言
金
黑頭公公黑頭一朝墮地聲啾啾人不言鬼且謀
愁愁愁

春暮雜感四首

寒暖陰晴候異常炊煙補綴半城荒風掀屋瓦飛
如紙樹立雲峰簇似銳無語可能蟬飲露有官眞
肖鼠搬薑自憐一事非疇昔酒滿瓶罌醉不狂

小步閒廳埽綠苔鄰家花尙隔牆開燕兒巢破銜
泥補鳩婦林棲喚雨來未淨耳根難學佛空餘牙
慧敢言才近患耳鳴齒痛農夫不爲兒孫計稂莠嘉禾一

律裁

辨色先難問墨朱衣裳顛倒繡工夫縱橫史冊誰
翻案閱歷人情總畏途大海應填千古恨閒棋也
怕一盤輸安排送老紅藜杖何日將身入畫圖

新得

一杖奇
崛可愛

英雄豎子各成名造物偏教白髮生優孟衣冠紛
變局戰場旗鼓要先聲從來雞犬分門戶底事魚
龍幻申兵多少閒愁芟不得夕陽芳草最無情

端午日感賦二首

竹陰施翠幄榴花明火珠朝夕異晴雨此方風物

殊萬山列屏障獨叟成羈孤計時又五月行邁嗟

遠途

將有臨安之行未果

自顧憎白髮斗酒含青蒲舊俗驅

鬼魅亂墨揮靈符日食朔在戌

五月初一日壬戌日食他省不見

麟鬪知有無曾聞江海翻尙稽雷霆誅如彼矜措

施亦復仍驩虞求賢聞側席懷寶咸握瑜澄虛不

容滓巧詐還自愚史官慎爾位其嚴春秋乎

孔嗟周德衰何來鳴鳳凰餓鴟啄人肉鵬食占不

祥隆古詎可復叔季運已傷趨下皆滔滔此外尤

茫茫孰知鼓鐘者聲聞於廟堂雷迅急掩耳暗啞
走且僵苦心徒結舌媚骨糜剛腸青雲亦掩靄白
日銷精光皇天育眾才本圖大道張歧途紛捷徑
轍覆正軌亡我願靈囿中高臺流瓊漿甘以養仙
芝肥以飽神羊

六月六日得吳子章員外書驚悉雨辰學
士於庚辰十二月歿於京邸哭之以詩

聞說鍾期死牙琴賞益孤兩行書在壁

庚午秋雨辰在四川

提學任訂余詩稿並集拙作中刪詩早定

千秋鑑絕塞輪君萬里游爲楹帖見贈
一慟淚

沾襦不分騎鯨杳翻疑去鴈徂

去秋寄書未達而君先逝

梅花

春太冷清恨滿西湖

吾鄉龔叔雨夏子松兩侍郎先後下世

草堂吟賞處送別錦江船落幾人在恩恩十二

年

庚午冬余與嚴渭春中丞吳蓮生方伯孫琴泉廉訪送兩辰於錦江東岸今已十二年而嚴吳

孫三君已先歸道山矣

等身留著作分手各風煙時事猶如

此長星出暮天

連夜彗星出於西北

對酒言懷四首

學佛難成且學仙一尊相對自陶然無爲最好洪
荒世有數誰爭造化權雕鶚淩秋思奮翼麒麟作

脯戲烹鮮老夫忽地心頭熱湖上春來好放船

官類匏瓜繫若絲遙吟長望欲何之全家弱細都
成累兩字疎慵不合宜地步能寬閒歲月天良猶
在愛蠻夷稍畱生氣無窮福破屋鶉衣午斷炊

暗數歸期未有涯錦城雖樂早還家

內子及兒婦
輩尙寓成都

名心已死形如槁書目重編眼欲花春草浮香看
粉蝶微陽息影羨林鴉樓臺歌管知無分鼓吹應
聞兩部蛙

天水從何辨九州一身真似海浮漚都防齒折難

爲舌敢詐心知放出頭誓墓先爲他日計

猶子旭初書爲

余先築生壙

揚帆急趁緩風收算來不作三公好擬看

鈴盤入市游

酒醒口占

鄉夢初來酒忽醒紙窗風雨一燈青山樓畫角官街柝且作晨鐘暮鼓聽

曉聞鳥聲

新篁搖影碧玲瓏消受微涼愛曉風獨立閒階無可語白頭人聽白頭翁

積雨成潦感而有作

六月七月如深秋蛙黽閒出庭階游泥深常見展
沒齒屋矮驚看檐打頭萬山高聳煙嵐浮朝曦紅
出烏雲收巖泉挾雨激成浪人言陸地堪行舟官
衙草滿如荒疇林間戴笠聞呼鳩園丁種瓜藤似
結蟲兒抱葉青如油昨宵涼月懸冰毬誰人熟睡
忘更籌老夫獨起還自笑眼中何物非泡漚君不
見此方田廣天時異賦重民稀委而棄南糧漕運
北通州畿輔近聞開水利

打草竿歌二十首

並序

滇俗耕者行者皆藉地息勞唱打草竿漢夷
音雜不能辨亦不詳其名之由按通志昔遼
士戍滇放馬牧場以竹竿打草有思歸之心
因作是歌其音懷悲余權適南道兩易寒暑
邊安歲稔幸告無過惟是才拙年老志在田
里聞其歌不能無感焉唐元次山官道州作
春陵行以達下情劉文房刺連州作插田歌
以俟采詩今迤南所轄之普洱府鎮沅廳元

江州皆僻陋在夷復值兵後催科不已民窮
無告事有不能達於上又不能隱於中者用
作俚言成打草竿歌二十首嗟乎輶軒不至
壅塞之苦同於水火天胡不仁而生民於夷
也吏胡不仁而虐民於夷也余胡不幸而治
民於夷也是歌也抑余之罪也夫

時光緒辛巳閏七月

十七日

打草竿草根老山太多人太少雲南山出金銀銅
人人都說雲南好

打草竿夷人難旱穀米不貴

旱地種穀日旱穀米

梭羅布不

寬

夷人所織之布名梭羅布

男耕女織家家安穿衣喫飯莫見

官

打草竿草漸長草短短勸栽秧草離離催開荒草

正青穀未黃四門鄉約追兵糧

打草竿草蕭蕭地又毒天又高迤西迤南路兩條

一邊走騰越一邊走思茅

打草竿夷方游

滇人稱邊外夷地曰夷方

走猛地

夷地多稱猛地即取威猛之

義如威遠之猛班猛戛甯洱之猛先猛烏車里之猛遮猛海猛混猛麻猛法大小猛養皆是

充

鍋頭

販運駝馬其長名鍋頭以其管飯鍋也

掌子房樓上樓

夷居平房曰掌

子房樓二三層上居人下飼畜

人馬病愁中愁夜來鬼叫聲啾啾

打草竿短衣襟郎上路妾上心十三版納煙瘴深

出關換得花幾斤

以思茅茶販至夷地易棉花

納了扛稅

夷長每於

津隘設稅每駝銀一錢日扛稅

抽釐金

內地取設滇省處處有之

打草竿草亂燒煙又薰風又飄郎今往緬甸緬甸

路千條妄想上山山無路妄想渡水水無橋妾心

一雙緬甸榼

緬甸所產製作精巧

郎心一把緬甸刀

刀緬甸產者純剛

而柔

打草竿草滿坡男兒女兒同唱歌唱成咯

擺夷唱歌曰咯

唱成梭

艮子唱歌曰梭

配成少不成多配不成再唱歌回

家關門眠草窩你不去我奈何我不應你奈何

子

艮子擺夷皆男女唱歌相悅而嬌若女不悅則閉門不納男子心未已者立門外再唱或至天明女

不應

即去

打草竿草沾土採花枝打花鼓

夷女以三月三日採花獻佛爲敬

但知夷方樂不知夷方苦山山有老虎家家養飛

蠱郎不歸蠱不吐蠱不歸淚如雨

放蠱不如期而返則男必死所

養之蠱夜出不歸爲人所殺養者亦死

打草竿莫起早夜來眠莫喫飽

莫起早莫喫飽皆滇諺也

眼前

許多事一人做不好蠻方天地也無情瘴壓青山頭白了

打草竿草漸低卽向東妾向西夢不到雞又啼難得今年閏七月牛郎織女好夫妻

打草竿草滿屋東唸經西拜佛佛不靈眞土木喫了人家飯不管人家哭

打草竿草又黃少雨水

南方入夏令皆云雨水下地

多風霜路

平再走九龍江齒牙紅似血頓頓喫檳榔檳榔硬

三才圖會
三
蘆子香如何塞滿郎心腸十年一去不還鄉

打草竿莫做官昧了心心不安用了心心不寬滿

口吃梅子不知腸裏酸江頭高處望多少順風船

打草竿草漫漫符牒來上長安

時余已奉部文催調前任鹽法道卓

異引

見長安道今更難何如歸去溪頭尋釣竿

打草竿竿在手拋卻竿兒掉頭走千山萬山草如

帚還汝竿須抖擻山中狼與豺門前雞與狗

打草竿草漸衰二十年前眞可哀白旗去紅旗來

同匪用白旗官軍用紅旗同匪投誠曰翻紅旗子

漢人夷人俱成灰生不

得見死不得埋呼天但求天眼開

打草竿草茫茫我願竿兒無數長我登竿頭求玉
皇把天呼作爺把地呼作孃分明好月亮好太陽
千年萬年照我南東方

打草竿草青青我唱歌兒大眾聽人有眼天有星
夜有鬼晝有神漢是民夷是民大家都要有良心
打草竿草又生而今南方歌太平蠻夷怕王法蠻
夷通人情口中誦誦不知作何聲似言但求官府
來不索土司錢不傷蠻夷心蠻夷萬世萬世歸

大清

阿舍子歌七首

並序

麗江之麼些蠻多馱舌男女相悅唱阿舍子歌其體比其音商以哀余謂詩人緣情觸物言近旨遠不可概以淫奔論也仿其意仍通以俗聞此聲而淒然不已者又恐不獨一麼些蠻也

阿舍子莫分開我唱歌聲聲哀你唱歌處處猜望來總不來瘴煙如霧飛黃埃

阿舍子何事忙貪富貴夢黃梁
你願高飛學鳳凰
我願同眠如鴛鴦

阿舍子人怕老種出紅芙蓉
還說秋來好贈郎
一朶並頭蓮願郎化作低頭草

夷地
草名

阿舍子樹枒槎樹上生出藤
藤上生出花花開又
結果一家分兩家不如樹旁生出寄生草
兩家做成一家好

阿舍子紅羅衣衣已舊
郎不歸雙雙蝴蝶翩翩舞
箇箇蜻蜓對對飛

阿舍子白團扇在我懷遮君面君無情顏色變變如何非得已秋夜長秋風起天使然誰怨你

阿舍子謝天公天公生我兩箇蟲一箇雌一箇雄一箇西一箇東蠶兒吐絲做成繭繭子成絲蠶在中化出蛾兒又生子子又生蠶兒不窮問天天不語呼作碧翁翁

閏七月十八日甯洱松了塘民人李成文
李元福李元壽縛一虎來獻云初食牛卽
殺之併計威遠所得共十八虎矣作詩紀

之

猛虎傷我民民生已殘喘殺虎虎子遺僅存如乳

贊

贊大狗之惡悍者

連朝寒雨催秋風松了

音堙

百姓來城

中共縛一虎云獻功我言功與擒賊同今年發令

開荒始買得耕牛全家喜農夫愛牛如愛子虎也

食牛罪應死吁嗟乎養民如養心用民先用膽使

君猶未行虎也爾何敢

余將受代

以銀酒賚李成文等歡呼拜謝云秋成後

恐有盜嘉其真率再示以詩

野人自言居松了松了大路橫三义

甯洱鎮沅威遠皆有路可

通

黃茅叢中帶黑點乍看疑是金錢花

土人呼豹

以其圓文似錢也

誰料橫紋如扁担

虎身橫紋俗呼爲扁担花

今朝忽

訝行踪斷突來食牛已過半急起呼鄰鄰四散我
家弟兄素知弩不敢射人能射虎虎身帶箭血如
箭伏地無聲貓捕鼠我與爾銀醉爾酒爾可還家
事南畝買牛買犢此有餘得飽便須出城走野人
叩頭向余告民有直言公莫笑秋成積穀猶防盜
人說官爲兵備道

顧子遠光祿

復初

以續刊詩集見寄因賦

長句奉懷

兩度書來作答遲卅年難忘舊交期生天成佛翻

留恨

君悼亡范宜人之作云歿後異香滿室

春感秋懷各有詩頭白

人書俱老境牡丹香色最情癡

詠白牡丹詩見本集

絳河笙

譜如鳴玉

詞集名絳河笙

俗耳箏琶恐未知

郇道篆日喜作

老牛力疲芻豆殘此身如贅何論官官之所守守

以印印之去矣心尤安此兩年中汝與我我在樊

三
公
本
言
金
三
龍汝包裹今朝脫手如彈丸腰帶常寬箱不鎖世
人愛印同愛兒偶然別去勞相思黃金斗大亦灰
冷項羽手刳眞可嗤漫云此物爲虛器功罪分明
莫輕試汝行忙矣我得間尊中有酒胷無事

甯洱威遠接壤之大黑坡虎爲患八月初
卸篆有期先命獵夫捕之八月十六日余
將首塗十五日縛來獻士民歡躍謂余權
篆二年捕殺十九虎足以稱異乞記以詩
小
黑江前大黑坡陰風吹鬼藏虎窩虎來竟以人

爲餌虎留我去成何事我將明日行虎先今日死
神明王法當如此父老拜我前小兒歌且舞使君
兩年中力除十九虎公如不來虎不死子已生孫
孫又子不知此害何時止吁嗟虎兮非我讐率獸
食人吾所憂我今去矣民且休一路青山紅樹秋
八月十六日去普士民遮送於道口占古

詩三首示之

此官何足戀此地殊可憐與民久相洽疑若家人
然我來攝兵備恩恩年復年昔恐去不速今去情

又牽民豈畏我勢我豈尊官權况復兵火餘困處
於窮邊善後無一舉民間無一錢赤子兮赤子蒼
天兮蒼天

我來真竊祿豈曰能愛民心不安於己推而加諸
人茲地多蠻夷忠信良可親概以犬羊視有傷天
地仁瘡癘不時作白日飛黃塵草木變蠱毒詛咒
誣鬼神何當敷文教坐使頑梗馴能以心感心萬
里猶比鄰

眾云居官樂我云居官苦苦乃自昧之更復向誰

語得閒還讀書有志欲希古賢哲不世生老耄恐
無補餘地自種花淺根培厚土輪囷養巨材大匠
慎斤斧此去見民情戀戀嬰離乳余懷不能言遠
山灑寒雨

茶安塘道上

一笑去怱怱歸心逐遠空朋交荒店酒

蕭雲笙太
守許杏邨

大令於道中
置酒爲別

秋信暮蟬風隔嶺陰晴雨間花紫翠

紅卻憐攜不去詩入畫圖中

劈開山作路如劍復如盤樹老化龍去巢空飛鳥

難野橋低欲斷朝露午猶寒

是日爲寒露節

絕頂仍回首

孤城似彈丸

普洱郡城形在山底

自五里箐至上把邊江書所見

秋涼欲雨尙聞雷瘴起如塵拂袖來雲腳低垂山

脊壓石頭穿破樹皮開夷名白孔皆黧面

途遇種人短衣

尺許黧面被髮自稱白孔或曰乃布孔之譌或曰白窩泥之別種頗不相類亦莫知其原壁脫

黃泥盡綠苔雞犬無聲兒女哭草間人指劫餘灰

上把邊江五月中不戒於火

宿野人家

一室堪容膝開門月滿牀草深螢聚火甌破鼠求糧晚飯秋瓜熟微風野菊香莫憎蟲語碎字字出清商

渡下把邊江作

急唱公無渡奔騰此濁流飛沙頽兩岸獨木剖雙

舟

土人不能造舟以獨木兩剖剗之

貢使曾吞象

嘉慶初南掌國貢馴象三頭渡

江一穉象至中流爲水怪席子所挾二象急入水與怪鬪怪斃象以長鼻交挾而上其形如敗席闊

丈餘無手足遍體皆口眼遂呼爲席子云

行人莫並騶

兩岸險甚虹梁五千

尺待爾鐵爲鉤

己卯十月渡此知屢有覆溺之危庚辰春與游擊孫君世恆龍君文

藻共商造建鐵索橋費將鉅萬余捐俸千金爲之
倡鐵工羅起遠告曰橋長五十丈用鐵十萬斤鑿
對面兩山爲柱至
壬午冬始可成

通關哨

通關關外路急雨晚風清石亂無名異桑枯有寄
生馬如駝背腫臬作鬼啼聲候吏催書亟應嗤淡
墨成

經歷梁君佳
瑜乞書楹帖

自板礮房至他郎廳道中雜詩四首

此道豈爭先聞雞已著鞭逢僧雲外寺入室井中
天潦積龍生竈農荒稗滿田我來心亦悖幽壑噴

蛟涎

距瞻魯坪三里之龍洞八月初三夜蛟出山崩數十丈余過此漲痕如新

瘴退喜微涼飛飛葉半黃泉深人病啞

山有啞泉誤飲輒病

草熱地浮香溼草多生樹枯茅亂補牆田家風最

古屋上臥牛羊

暮雨投荒館尋踪埽碧苔迎門誰主客下榻半塵埃
曳白窗穿紙餘紅燭翦煤正思清濁吻煎得苦茶來

霧起星光沒羣峯倒插天松多陰似水戶少爨無煙
老境鄉懷切斜陽鳥影偏荒衙今夕酒重與話

鐙前

至廳城尹綬魚通守
仍款衙齋置酒夜話

莫浪坡題壁四首

平蕪青不斷紅日映熹微戶插雙旛紙

土人祭龍
以二紙旛

插於

門外人披一尺衣

率比夷圍領
白衣長尺餘

輕蓬飄似絮枯柳

大成圍筒竹相攜便臨流曉汲歸

蠻人以
筒汲水

卓午塵昏際清光水竹交風嘶蟬出蛻樹折鶴移

巢剔薛雙碑字

三板橋
有舊碑

翻波五色泡蠻姬歌短調

學語笑牙聲

列石如圖陣狐鳴鬼亦哀奇兵分道出大將斬關

來疊架多懸屋輪囷有棄材

大木多橫於道無取用者加鞭期

達到惜爾竟駑駘

我馬病不能行

絕頂重遊處秋高爽氣空飛泉千仞壁聽雨一樓

風袒乳夷情怪

橋比夷婦袒其右乳

襟喉地勢雄此方民力

竭莫更論邊功

至元江州宿馬廐傍聽雨達旦明日將發

直牧竹農傅君以斷渡請畱排悶作詩四

首

已分疲筋力來依馬廐旁如繩懸夜雨咫尺撼巖

牆衣薄仍揮汗秋成再插秧

元江種稻二次

填曾辛苦事

細味綠檳榔

土人以新摘青芭檳榔相餉

簷角與眉齊危樓倚斷梯疊牀隨上下補屋和沙

泥

屋有隙漏築土補之

墨染衫痕浣

索書者踵至

風來帽影低彼

僮誰過此調語壁間題

慘淡煙光積窗明一隙間杜門先謝客移榻臥看

山畱滯才如此飛騰興早刪渥注如有種何日奮

天閑

斷渡一舟橫今朝不可行鄰家餘乞火奴輩足鼾

聲日色陰如晦江流直搗城誰能身手健磨刃快
屠鯨

客樓曉望

奇峯卓立箭攢銳回首低平是女牆從古乾坤皆
逆旅太多風雨似重陽煙蒸草瘴連城白日撫華
簪滿鏡蒼卻愛重瞳眞解事男兒衣繡便還鄉

荒徼南行此畏塗水如湯沸亂塵污停舟屢向迷

津問入市眞同逐臭夫

土人牧豕通
衢污穢狼藉

小女銀環圓

似鏡高林紅豆串成珠

蠻女拾紅豆穿
之繫於頸項

眼中一事

尤奇絕足踏鞦韆頂上無

屋皆三層設鞦韆於最高頂上

宿青龍厰題茅店壁

秋風茅屋漫長嗟
戶外青山帶落霞
已斷長鑱餘白木
新編短竹護黃花
衣涼漸有新霜氣
客倦難尋舊酒家
早起不知人睡熟
窗橫鉤影月西斜

馬鹿山絕頂

馬足亂雲高天成
鎖鑰牢土崩
山獨立風動樹先號
斷戍愁聞角輕裝
笑解鞍憑虛無可狀
身世一秋毫

揚武壩曉發新平縣士民遮送道周奉觴
爲餞口占二十字示之

兩載宦南疆黃塵飛白首問心多未安愧此一尊
酒

重宿羊毛冲破樓夜起作

斗室眞如漆絲絲挂突塵倉空貓戰鼠燭滅鬼搖
人窗破殘星入年豐比戶貧喜聞開道路斧鑿斬
然新

自羊毛冲至老魯關
道路奇險現已平治

道出新興州先過沿河街之北極宮道院

見雙桂雙梅輪囷奇崛數百年物也陳李
二明經乞詩爲賦短歌

宮名北極臨水涯階前雙桂雙梅花不知生植自
何代之而鱗爪龍騰擎桂上曲盤下直峭梅東合
抱西橫斜八十老翁來告我見時見此籠煙霞數
經兵火根不死似立鼇柱蟠蛟蛇又如琴音出焦
尾乾坤元氣含精華此花若出王侯家歌管雜選
文繡遮比諸桃李羞俗豔幸免斤斧投荒遐前年
過此訝奇絕一時蓬轉眞搏沙春風秋月等閒過

不聞金粟紛珠葩兩生捧硯乞題句公留墨潘當
籠紗草書恩恩苦未暇花應笑我空塗鴉

性農丈書來並示所作辰沅道楊君海琴

墓誌銘稿海琴與榕故在蜀時舊好也愴

悼之餘追賦輓詞三首

楊名翰北平人

書到緣何出涕潛舊游零落苦緣慳分頭各住東

西屋

道光庚子辛丑間同寓成都海琴居西二巷余居東二巷相去僅數十步放眼同

登大小山

丙午冬海琴北上余權劍州吏目相約同登劍閣看大小劍山

古隸窮

搜摹漢碣

漢王穉子石闕君以拓本餉人

奇詩高詠壯秦關

至雞頭關

立詩碑

當年勝事難忘處湘水無情去不還

君宦湘後

遂家永州

灑落襟懷只自寬米家書畫富瑯玕東山絲竹新

裙屐南國旌旂舊將壇

前以所書鄧忠武公紹良墓碑見寄

舍愛棠

陰知政美衣披萊子奉親歡獨憐好古成奇癖瘞

鹿銘藏片石刊

自書瘞鹿銘埋之仿瘞鶴銘也

論交兩世卅年過

尊甫味禪丈與先公舊好

強抑悲思又放歌

已定升沈隨福命不分銛鈍總消磨

墓銘有云以銛爲鈍謂其

不獲於上也

碑題有道文無愧賦就招魂感更多南鴈

相逢還問訊秋風蘭芷近如何

舊交官湘中者甚多

九月二十二日突歐惡血數升一病幾殆

至二十五日稍蘇口占四絕句

白髮雄心苦未降生探虎穴入蠻邦三年孤憤無

人解熱血如飛灑一腔

醫云血乃感受煙瘴及鬱結所至

口鼻聞腥舌本癰家人含淚乞醫巫我時伏枕平

心想造化無權有算珠

六齡小女最憨癡繞榻牽衣尙未知笑問阿爺誰

作畫竟來平地潑胭脂

披衣扶杖五更初窗隙微明小坐餘自笑未能忘
結習林頭還檢舊鈔書

聞慈庵觀察歿於雷瓊道任遙哭以詩二
首

白首烏蠻地悲秋更哭君前踪如夢寐遠道或傳

聞此筆足千古

君總纂
成加二品銜

毅皇帝實錄告
賞孔雀翎

何人張

一軍老夫無可語獨立對斜暉

六旬官四品造化竟如斯

丁丑春得君都門書謂
據星數者言核官四品

壽六旬其事如驗
則不得見矣云云

初以言爲戲於今讖可知招魂

瓊海遠歸旆錦江遲近事尤難問低吟樂府詩

時有

以擬古樂

府見寄者

病中聞貞伯藩侯擢任黔撫五旬後始以

箋賀附寄二詩兼述近狀

初聞喜氣動邊州舊雨青雲在上頭才大應爲天

下用時艱難免杞人憂紛紜鹽筴多新法

黔中例食蜀鹽

近多鄭重屯田固下游

黎平等郡毗連湖南者屯田爲守以顧苗疆

事

事皆關民利病君居高閣要通籌

時乖結習未全除嘔血灰心自計疎尙繫一官如

贊物皆云七十始懸車

屢請自休
格於成例

瀕危不死非關

藥

病中多有勸服
參者悉屏之

因病求閒好讀書尙望夢泉真

事業時賢並論又何如

獨起

重衾總亦寒庭階淨如水自笑夜無眠霜禽先我
起落葉亂打人風雨隔窗紙

獨遊龍泉道院梅花盛開卽事四首

冠蓋紛華總俗塵郊原爽氣忽鮮新
澌通小澗冰猶合風攪清霜面欲皺
黃葉橫飛將斷路青山空

笑未歸人徘徊林下寒如此衫袖香濃雪滿身

步上琳宮石徑斜迴環繡錯綠苔花微波對影初

臨鏡淡墨如煙宛隔紗松頂巢欹驚鶴雀源頭水

活孕龍蛇重來忽動懷人感萬里天山咽暮笳

已卯

九月與升竹璫方伯譙集於此
今竹璫已任伊犁參贊大臣矣

獨立危峰亦壯哉餘霞散綺畫圖開筇扶腰腳癯

強健雲盪心胸自往來湖上有家春後夢池邊何

處劫餘灰臨行聽得梅花語我閱人多汝不材

與梅相別又相思鄭重相逢贈一枝

道士折枝相贈太息

蠻荒兵亂處且看松柏歲寒時蒼官卓立前朝樹

庭有宋白石長留宰相詩阮文達節相詩二首已刊石壁獨有老

夫搔首望樓臺鼎鼐幾人知

桐城姚實甫先生瑩牧蓬州時余官閬中

曾以後湘詩集見贈今三十餘年矣再見

續集則使西藏諸作在焉感賦四絕句

君牧蓬州我閬州同時同地復同游崇仁寺裏莊

嚴像先見題詩在上頭胡恕堂中丞初令長安至崇仁寺見莊嚴無憂羅漢

貌與己同寫爲小照後官川北道實甫先生爲題七言律詩於前余亦續題於後稿已佚不復省矣

尾集重編續後湘天教健筆寫蠻荒年來也學參
軍語吟到娜隅泣數行

捧檄西行察木多

西藏臺名

烏拉辛苦雪中馱

西番呼牛爲烏

拉續集有烏拉行

紛紛戰士邀功賞幾見當年曳落河

揚塵東海事難知

先生曾官臺灣道

長劍光寒佩陸離焚

卻楚騷天莫問傷心謠詠妬蛾眉

春溪漁樂圖

元人院本畫

老漁吸盡瓦瓶酒笑看兒童沙岸走
穉女牽衣埽落花老婦提籃魚貫柳
西山雲起青欲流恩恩移

玉笙樓詩錄

卷十一

美

棹隨前舟丁東急雨打如瓦搖曳全家輕似漚吾
鄉湖上烟波好結網臨淵歸不早何日將身入畫
圖笑把長竿閒醉倒

玉笙樓詩錄卷十一終

玉笙樓詩錄卷十二

海昌 沈壽榕 意文



光緒壬午

自館驛至冷水溝途中書所見二首

養民先吏治廉吏不可爲奮武矜邊功功罪未可

知館驛舊賊壘

館驛屬建水縣前爲回匪所踞

亂餘紛茅茨白骨

雜瓦礫中有新棄兒兒穉不能語兒寒身無衣兒
飢無可哺兒行將焉歸兒豈無父母父母非不慈
長官民父母撫心當念茲死者久灰滅廉吏名姓

誰土人指道左歸然功德碑

不作邊方遊不識邊氓苦飲啖雜泥沙馬牛同寢
處侵曉不聞雞糧空不防鼠草閒蠱如金犬嗥學
人舞嗟哉此何地眼中森鬼府破屋我借居我豈
敢爲主伏枕心忼忼鐙昏目如瞽願告後君子愛
民慎用武

臨安諸葛廟

廟祀滿天下南人尤敬公艱難五月渡開關百蠻
風此地嗟兵後方春已熱中漫言儒者事謹慎是

奇功

指林禪院

碑題景泰額康熙老樹玲瓏石瘦奇成佛難修三世慧還山已悔十年遲未經兵燹傳鐙火如此風塵惱鬢絲忽地涼生衣袂濕片雲催雨雨催詩

臨安謠四首

城頭路

郡城殘破失修路人穿堞而過官不問也

寂寞古邊城草色青如故殘堞任東西鴉噪樓頭樹樓空樹斷鴉何處行人直走城頭路

水邊田

距城西十餘里腴田萬畝皆爲水沒當事者不求疏濬之法

水過田田沒水田不耕水不止吁嗟乎無田那得官家租官云善後開荒蕪不知水利胡爲乎

架上書

書院藏書數千卷殘燬殆盡今存架上者蠹食鼠巢而已

二十年兵火劫萬卷書破殘絕君不見當時禦寇城能保可惜健兒讀書少燕雀處堂蝨魚飽

土司糧

納樓土司驕恣抗糧官捕之不獲而土民之累益甚焉

土司虐土民土司威如虎土司見漢官兩端眞首鼠吁嗟乎漢官有兵能用否土司見兵棄而走土

民纍纍喪家狗

福東寺尋楊升庵先生遺跡是爲謫滇時
館葉氏山莊處今名太史巷

郊原綠秀晚春時古巷斜陽客未知泥佛心空眞

解脫

佛像久爲賊燬

土人骨立尙流離

亂後貧民無歸者尙居寺傍破屋

波翻蓮葉香浮影風撲楊林露滿枝曾是仙郎淪
謫地斷牆剝字讀殘碑

自張萃森提軍處飲歸不寐作

名松林時署臨元鎮

總兵

坡公年卅七簪花自羞老

東坡吉祥寺賞牡丹詩云老去簪花不自羞花

應羞上老人頭時年三十七歲

我今年六旬敢云顏色好去秋病

甚危血枯形已槁九死倖一生此身同再造歸休
請未許日夕憂愈懞南來綰軍符負重嗟力小邊
陲久苦兵豈復民堪擾師出律必嚴上下互相保
張侯我故人英爽雲臺表延賓閣盡開把杯愁卻
埽沈沈畫角悲徐徐玉山倒醉怯春宵寒被擁冬
烘腦捫胸覺腸熱索茗滋吻燥夢想蜨爲周癢生
蟻化蚤再起自披衣窺窗涼月皎展放大光明破

除眾煩惱隙風一鎗滅默待五更曉三臥類秋蠶
數聲啼怪鳥吁嗟乎我耳有聞目無覩帳角有蚊
盆有鼠不去貪嗔皆自苦

羣森見過留飲共醉

春晴似炎夏日夕涼風佳朋來共尊酒於此舒好
懷老樹高出屋綠陰常滿階斗室足方丈淡然同
蕭齋君言我欲醉我言君可偕素抱區區心敢期
事事皆花飛同錦薦馬踏滋香街安得富良醞傾
瀉如澠淮

盧雲谷學使銓覽余所作詩古文集推許

太過見贈七言長句四章時方領軍南行

恩恩未能和也茲以稍暇寄答五言律詩

四首

落落窮荒地論交事最難才經湖海大緣結弟兄

歡

君曾遊海昌與家少坪弟舊識

帝命開文教軍思築將壇君從戎有年素嫻韜畧城西留別

語垂老勸加餐

春間按試迤西余送之郊外臨行以珍重加餐爲屬

讀許心胸拓

見贈詩有讀到心胸開拓處高歌痛飲不知狂之句

言由肺腑

眞輶軒通采俗桃李各含春講學權分席

去冬兼權五華

講席還鄉願卜鄰江都遺策在時事感天人

所見尤能大相憐意更多同心商出處放眼足悲歌
度合鸞鳴玉詩如象渡河予懷最蕭瑟夜夜夢漁簑

古今同一嘅戰伐豈功名使節祠金馬昆池動石
鯨邊機催鬢改官鼓亂笳鳴預約相逢日秋高氣
肅清

元董莊愍

文彥墓有序

文彥名祐以字行通海縣夷人元天曆中任
威楚路知事時中慶鎮將敗狐叛守吏皆遁
公守城力竭而陷賊欲降之罵賊不屈賊截
其耳使啗之公嚼血噴賊遂遇害明年敗狐
伏誅事聞賜諡莊愍墓在臨安府西城外里
許

知事一官九品耳守城城陷臣當死吾舌猶存罵
不止塞口吞聲慘如此吁嗟乎史書無傳墓無表
搜討遺文存志藁

臨安府志載
序文一篇

我來駐馬望城西

塚上青青生勁草

紅衣女墓

有序

女無姓氏順治四年李定國之亂臨安府城陷民家女有著紅衣者攜一女奴行爲賊王福所獲女給以尋藏金處至楊家園見一井卽投入女奴從之亂定後王福嘗爲人言之如此至乾隆庚申歲土人見井中夜有光掘得女骨二具乃合葬之題曰紅衣女墓今在臨安府城東門外

生不知姓與名死不留碑與塋羣凶破壘莫敢撓
雙鬢墜井波無聲君不見紅衣紅白骨白湮泥黃
燐火碧鳴呼女兒如此勝男兒何事男兒偏作賊

難言二首

四月初七日作

難言今日事濁浪竟滔滔土斷新租課

法蘭西以兵船駛入

越南國之東京河內等處奪其租稅

任榛舊遁逃

越匪黃崇英等擊敗後餘黨散處山

谷間聚而爲盜

黃巾紛自立

賊以旗色分號近得邊報黃旗賊陷越南之莫邊府猛萊

州城難民有遷避入滇者

白首嘆徒搔置戍先驍將含情贈寶

刀

開化府屬之河口馬白爲越南入滇最要之路余遣金揚廷提軍率精卒往扼之金名仕耀貴

州平
越人

讀史嗟宗慤當時怒典籤一州如許大六十老何
嫌曲突功誰問孤吟律尙嚴鏡塵磨不得愁恐上
眉尖

偶步慈雲菴

塵事日益繁體憊神不舒小菴穿曲巷丈室猶精
廬竹深蕉葉大野鳥鳴相於半榻塵未埽紙破窗
全虛東龕一佛臥坦腹而軒渠何時得此樂萬事
空空如造物與計左脫去空躊躇欲製水田衣來

讀貝葉書

貞伯中丞三寄手書遲兩月始一奉答意
未盡者率賦七言長句四章伸之

西南凝望百躊躇白髮今年更嬾梳
遲暮誰云堪國事舊交難得似家書
拋殘棧豆羞稱戀夢入槐柯總不如
鵬翼垂天雲萬里相憐溪壑有樵漁

瞬息滄桑二十年眼中時局更紛然
漢家黨錮終貽禍晉代清流已自賢
築室有謀羣撮土借籌無箸強隨鞭
模餉治亂同消歇青史陳陳只一編

心肝嘔出齒牙枯自問衰翁有用無欹枕不眠鐙
影碎橫風如埽角聲麤香山樂府同歌笑鄭俠流
民滿畫圖爭試洗金攻玉手短長我欲問王符

浮沈郵寄意纏綿各記游踪是舊緣民有苗彝皆

赤子

黔苗滇夷
皆居邊境

地分中外只青天

榕駐防之軍與
越南國界不及

百權衡在手防偏重枯苑何心聽自然涇墨淋漓

張素壁知君老筆已如椽

庚辰夏以草
書屏幃見胎

寄懷倉少坪方伯大梁

名景愉自滇
臬引疾歸里

孤行柴立羣兒嗤發言如矢無所欺先生古道非

所宜或云矯激鄰於癡惟君與我心相知胸無城

府忠而危一朝不合官如遺重開講席登皋比

君解

組歸里仍主

講大梁書院君歸五年消息遲我書四上無歸期

榕四上乞休

書皆未之許尋常飛伏爭雄雌造化用意殊難窺

聞君精力猶未衰讀書健飯如當時俗眼未識鐘

鼎彝紛紛贗作光陸離中原萬里長相思籌邊獨

苦天南陸君來入夢我有詩我今六十霜盈髭

茆山感余防邊賦詩相贈走筆答之

老夫寂寂知無用歲月堂堂去如送乞骸未許遂

勅衣作宦迴頭等春夢

皇朝寬大布明詔萬國梯航咸職貢島夷嗜利壘
斷登有兵竊作潢池弄越南小邦鄰我邊積弱何
堪強敵眾相依形與輔車同自衛今如剝膚痛法
蘭突攻河內省猝起紛同鄒魯閭維東維南實屏
蔽論戰論和真聚訟嗟哉蠻觸顧相爭念此疲氓
傷屢空軍行提挈事權輕弩末羞云弓力重昔聞
諸葛渡瀘水攻賊攻心七擒縱時危事異變萬端
非特行勞且心恫飛鳶跼跼勢墮水疲馬行行誰

引韉故人念我慰衰朽慷慨長歌足吟諷連宵好
雨潤桑麻秧滿千疇繭如甕但望瓜期振旅還請
君再作承平頌

酬光潤身刺史

進德

見贈二首

宦海似蜃氣百偽無一真何期僻陋邦見此欽寄
人君牧阿迷州地小官益貧父母子其子長吏民
其民解組得暫閒讀書揮俗塵如彼千尺松力厚
忘屈伸

歲月已云邁憂思徒益深求去不得去勢類籠中

禽近復領邊事重遠尤難任外將制驕敵內先收
民心誦君有佳句使我聆古音山色生晚涼對此
還長吟

夏令瘴起民多苦沴憂嘆成篇

南隅氣候偏水土素稱惡馬牛處堂室虺蛇孕叢
薄民情亦好鬪奮臂爭強弱邊氛方戒嚴矧乃奇
病作我聞瘴癘鄉利用清涼藥毒已深肺腸醫不
尋經絡一家共十人九人爲鬼虐哭葬只一兒轉
瞬填溝壑米價近居奇城市全蕭索溪流潛射工

活水誰疏鑿老夫體不適炎蒸苦薰灼有肉不能
啖有酒不能酌覩此民傷痍忍聞吏貪攫閉戶獨
呻吟冥心寄寥廓

投迤南道卽事書懷四首

辭官未許又除官去就無憑執兩端臺省諸公才
衮衮馬牛陳迹磨團團枯僧退院鐘聲寂老女臨
妝鏡色寒四十年來春夢覺如何還抱枕頭看
嬾漫何須強效顰愁開倦眼閱風塵驚濤蜃閣千
重劫鶯錦蟬羅百態新垂暮讀書長恨晚罷歸無

業未嫌貧金城方略龍門史我只低頭讓古人

地極雲南又日南

時奉
統軍出境

命南荒瘴癘更誰堪

明珠有謗盈車載猛虎曾聞變色談部將同時分

甲帳

前軍已遣往越
南水尾州邊境

鄉兵隨地集丁男

開化臨安
廣南三郡

邊民皆結
團防隘

唾壺欲擊雄心碎惜爾光芒舊劍鐔

滿胸冰炭滿頭霜萬事於今一笑忘不食自應名

苦李餘陰慙說比甘棠

前署迤南道篆二年創樓
任後士民爲立去思碑

臺歌管英雄淚優孟衣冠傀儡場欲駕雲帆便東

去赭龕山立海門蒼

赭龕二山名在海
甯州境時爲海門

微蟲

微蟲爾何事一息一長吟夜雨三更夢天涯萬里
心風前飛斷笛爨下覓焦琴終古寥寥意其誰共
賞音

六月二十一日臨安雨發口占示送者

南征六月誓

王師不敢尋常怨別離白髮壯心消未得一天風
雨灑旌旗

游燕子洞二首

阿迷
州屬

剏格奇文近有無

洞穴玲瓏奇險不可名狀

雲煙風雨變須臾

奔騰一水江河勢

河流穿洞底出

揖讓羣山主客圖自拓

心胸空我相將衰腰腳倩人扶不知若箇能高詠

石壁光明墨亂塗

爲問何年燕子飛新巢舊壘認依稀蒼藤化鐵懸
巖瘦紫蘚如花帶露肥微有鐘聲僧一箇寂無人
語竹雙扉搖鞭自此長征遠莫道斜陽送客歸

由蒙自縣至鳴舊途中紀詠四首

鳴舊屬文山縣

出郭延朝爽分明晝幾重衣涼知欲雨枕倦不聞

鐘破堞樓高下奇山墨淡濃臨流香自遠何處采芙蓉

底事嗟行役迴思索處歡巢居民似鳥

夷人結屋於樹土

著婦爲官

土官沒而子幼其妻攝理官事

亂石羣羊臥飛花一蜨

殘松陰閒小立翠影上眉端

草色溪紋合迴青一道斜逢人無識字覓水試煎

茶

道有毒泉每不敢飲

遠樹張如蓋晴雲散作霞尋常成異

事雞犬與桑麻

暮靄荒村接初看急問途送迎勞戍卒樵汲走蠻

奴苦酒沾喉澀危牆對面扶夷歌渾不解擊柝唱
烏烏

樂童旅夜書懷四首

屬文
山縣

種樹橫經願已違窮邊還遣駕征騑輕煙暮雨昏
黃色硯戶沙人皁白衣

黑沙人衣黑白沙人衣白皆居山硯故稱曰硯戶

大石雙牙如列戟

大石牙以形名山設汎官

微風一角試褰旂

同游莫羨從軍樂自古勳名屬建威

紆迴百折徑秋毫扼險先應勝算操

過呀拉冲山勢極險鷹

隼來從當道立豺狼飢欲向人嗥
皴如鬼面山皆

三金言金
骨破裂田心地不毛此日綏疆嚴內外漢家何用
貢葡萄

低垂獨抱少陵憂射虎誰知廣不侯歸計本無松
菊徑隨陽疑有稻梁謀初因多故師黃石且任旁
觀笑白頭萬事全非思佞佛他生福慧要雙修

館舍荒涼草亂遮沮洳場廣雜泥沙艱辛宦味搬

畫鼠流轉年光赴壑蛇但望同官能守土

近邊守令先送

與不才如我乞還家鐙前掩卷思量久老眼無花

鏡有花

觀書必用眼鏡
俗稱老花鏡

馬塘題壁二首

屬文
山縣

咫尺疑無路危橋澗水分連山開赤壤含雨走烏

雲草木能爲魅

夷人能咒木葉
草根化爲鬼物

牛羊自識羣故人

書遠至先勸息勞筋

李祿生方伯書至謂余
遠征異域敦勸節勞

險盡見平岡迷離草色荒馬疲如我老松樨比兒

長壘瓦成新竈移碑補斷牆封侯無此夢早盼熟

黃梁

時已過午
尙未飯也

天生橋卽目

屬文
山縣

前路山多少濃青撲面來蠻花蒸土色古柏算薪

材糜爛猶如此蒙荒似未開濁流聲不斷風激動

餘哀

橋下濁流穿山腹出

將至開化蕭芭庵太守

錫齡

邀至仙人洞

小憩

長征喘未息聞險色相戒欲爲勞者歌自憐甚矣
億近郊心太平羣峯露光怪古洞著仙靈問徑苦
奇隘故人知我意留我先茶話我足如履冰我胸
本無芥其形類穿鑿其技弄狡獪譬如畫工手濃
淡分流派茲游信前緣見佛何須拜雨聲來遠天

催我復行邁

登開化府城樓四首

南來千里路迴東

開化屬迤東道

倦眼誰云顧盼雄一雨

山城皆澤國百年漢郡尙彝風參差粉堞新排雉

時修城堞

搖曳晴暉晚挂虹愼重

朝廷懷遠意我無籌策將無功

再上層樓思渺茫他鄉何處不思鄉居人尙苦河

魚疾

民間多患腹疾

力士遙開戰馬場

馬隊已至越南邊境

客久早

乾雙袖淚秋高微動一分涼臨邊莫訝飛書急已

三
報前軍入猛康

前軍駐越南國之水尾州猛康等處

密樹周遭綠翦齊窮檐斜傍女牆低傳聞古有紅

夷國

志載開化府爲古之紅夷國

怪絕人名白拇雞

種人有黑白拇雞名

多居窮谷拇俗呼蠟

遠指峯尖撐廢塔愁聞畫角引征輦自

憐老醜空皮骨敢笑荒僮面目黧

曉起偏驚客袂寒當風紅影動旌竿陰沈霧露層

山徑

霧露山名晝常陰晦

雜沓牛羊舊土官

牛羊地名明置土官今廢地

有鄉兵能戰守農無餘粟况凋殘酒杯在手宜斟

酌醉不分明醒更難

適鄧金咳提軍餉酒一罌

七月初三夜宿楊柳井土室作四首

安正廳屬

縱橫疑路斷斷處幾人家野徑名枯木

枯木地名

秋田

賣晚瓜雞豚村社酒埃壻使君車窟室容蜷臥吾

真井底蛙

四圍如隔霧暮色起冥濛樵響溪山應蠻歌鳥雀

同榛菅生臭腐樓閣倚虛空

山頂有大土閣架木以登

忽動思

家感初三月似弓

將眠眠復起詩卷又重開酒濁甘餘茗鐙昏接斷
煤依牀蟲語碎破壁雨聲來明日看飛瀑晴空萬

三
公
集
卷
三
壑雷

重繇寒若此景物儼深秋石立雲生面牆低草出
頭文章催老境滄海恐橫流便擬還鄉國披圖作
臥游

大汎坡道中

安平
廳屬

滿耳風聲雜雨聲遠山空處遠煙生朝看立馬盤
雲上野有疲牛帶石畊洞壑窺天形似卯神仙留
藥草無名

山中多香草
俗名神仙藥

眼前塊壘紛紛是我豈胸

中事不平

視馬白關營壘俯瞰賭咒河口占示諸將
地險控諸蠻雲屯馬白關斜陽紅落處已是越南
山

小立晚涼多休驚賭咒河我心如此水誓不起風
波

七夕軍中寄內

白髮蕭騷思惘然五千里路入蠻天人生百歲無
多日一別恩恩十二年

出關十首

有序

壬午六月奉

命帶兵出境由臨安蒙自開化安平至馬白
關凡千里七月二十二日禡牙而前過賭咒
河入越南界歷馬鞍山董亮寨金竹坪至都
竜城是爲宣光省安平府永綏縣所屬地也
卽事述懷得詩十首

雄關兀立萬山蒼敢信才堪一面當風動偶然吹

瘴起地窮眞似破天荒都龍勢立分城社

都竜以山形名

輿圖作都竜城
越人稱都竜社

櫪馬聲嘶戀戰場氛祲未銷民力

竭

聖人憂顧在南疆

越裳象郡古遺聞迭變衣冠制作紛

越南職官冠服如唐宋制

惟朝祭時用之平日蓄髮以阜紗帕首衣短袖窄徒跣複衣多用綠白色

唐代初開都

護府漢家先用伏波軍民傷元氣餘殘喘職領藩

封重守文突出偏裨思好事可能如鵲埽鴉羣

越南

三宣副提督劉永福知戰守事故以北齊王思好擬之

相傳往事說乾隆持節專征有富公

富公名綱前雲貴總督於

乾隆五十三年征越南率師五千人出馬白關駐都龍

今日重來仍故道

本朝原不計邊功宵瞻斗柄長依北

辛巳冬將補行卓異引

見旋奉

奏緩督辦東

志載江流誤向東

小賭咒南防務統領水陸諸軍

小河水流西

荒寂與誰談故實看碑鞭影去恩恩

馳志誤作東 雍正六年九月十六日

中外定界碑屹立道左

迢遙相接兩安平

馬白關屬雲南之安平同知都龍城屬越南之安平府

入

手邊機試重輕局外棋紛看打劫河邊水落咽離

聲

送者自賭咒河而返

叢茅似雪花初蕊矮屋如蓬棘亂生

放眼忽教迷五色彩霓烘出晚天晴

蕉林百里翠彌天蛇影如繩走毒涎種得檳榔同

擲果

越產馬檳榔甘而生
津土人用以餉客

飛來榆莢竟名錢

越南行使

鉛錢體質輕薄
日嗣德通寶

鹿銜異草羣呼隊猿戲枯藤自倒

懸一片空濛雲氣涵此中安見不能仙

下墜深淵上接梯同行頃刻判雲泥僵蟠紫蚓如

兒膊

蚯蚓長至丈
許肥如人臂

笑獵黃麋擘麝臍傳檄先防郵

驛斷鼓行還待裹糧齋啁嘈禽語同人語滿路榕

陰吉了啼

炊煙一縷傍巖深竹露千竿靄夕陰閉戶共談樓

下鬼

儂人樓居
謂下有鬼

毒人還拾糞中金

夷人蓄蠱
言能糞金

先清

曠野消戎莽忽發奇香近桂林聞道取材詞賦妙

越南以詩賦策論取士

老夫攜筆費沈吟

刻畫圖經尙未知象胥通譯苦參差諸軍次第傳

三箭一日寒溫備四時旌旆先揚明水尾

前營駐水尾州

風塵如染暗霜髭磨刀欲試屠龍技卻笑無名帳

下兒

撫字誰曾息弄丸

越南守令每曠職故土匪甚多

師行但望遠人

安何時歸去橫牛背忽地相逢據馬鞍

山名

故國傳

書霜信杳危樓吹角雨聲酸朱顏凋盡尋常事太

白空吟蜀道難

寬餌先忘問釣鉤雄飛無計狎沙鷗瀕危起死真

天幸

將出關之前十日因感瘴歐血數升有再生之幸

垂老臨戎似浪游

顧我依然居白屋

關外日烈風高白茅蓋屋以代軍帳

聽人姑妄說

黃州功名那及詩名好許畫麒麟閣上不

越民獻牛饗士卻而遣之

朝出馬白關夜宿馬鞍山山頭望關尾猶在微茫
間我來十日愁風雨八月秋寒竟如許乍晴又向
都竜行一望都竜雲霧裏越人歡言迎使君攜雛

扶老何紛紛共說清朝

大皇帝遣來天上飛將軍紅旌揚處鼓聲起如雪
刀光健兒喜蠻奴牽犢跪營門饗士椎牛盡其禮
吁嗟乎南交赤子瘡痍多枵腹懸鵲空奈何滿眼
荒蕪不知處放牛汝且耕田去

中秋夜軍中作二首

今夕秋方半風前草木哀帳寒初過雨山響暗鳴
雷何處吹蘆管愁人罷酒杯季倫偏快意買得綠

珠回

石崇爲交趾採訪使以眞珠
三斛買梁氏女卽綠珠也

地勢分中外當頭共此天雲垂千嶂立風轉一輪
圓鄉夢能歸否予懷更渺然曉來東望處殺氣見
星躔

將曉時東南彗星出

巡營至董亮寨

越南境

破曉微陽隱半輪纏緜秋思雨如塵好山送我還
迎我飛鳥依人卻畏人痛癢相關憐病榻

時秋瘴方興將

士多病者艱危獨立歎勞薪西風已挾冰霜氣早望前
頭萬木春

雨行困甚口占

出關兩旬雨平地三尺泥泥深沒人踝不知東與
西日中何所見瘴煙常淒迷耳邊何所聞枯樹鴝
鵒啼啼聲如哭聲曉不聞鳴雞疫鬼與瘧鬼呼類
相攀躋君不見黃茅花開白如雪亂石如錐鑄生
鐵馬蹄蹴蹋先流血

副室曾夫人歿十二年矣子頴煌重裝其
桐陰待月畫像見之愴然題二絕句

一紙重看貌若生雲鬢玉臂尙分明當年多少傷
心事無奈丹青畫不成

風前棖觸斷腸愁汝已黃泉我白頭記得桐陰閒
小立涼雲如水月如鉤

大架衣旅懷四首

屬阿迷州
夷地名

分道還軍作此行

邊事稍暇余請旋省養病各營
將士亦得換防休息故由開化

取道過此衝寒稍喜瘴煙清蠻夷古重羈縻術草木風

餘殺伐聲市小雞豚隨聚散時危豺虎尙縱橫催
科正急田荒久寄語山農事早耕

重經逆旅倍荒涼橘刺藤梢糞土牆

昨宿
馬塘

官似殘

棋羞勝局病無他藥乞還鄉親朋手札於今嬾兒

三才集言金
女身材比舊長自笑征途心力苦自添詩稿自商
量

前峰黯淡送斜暉蠻語村名大架衣遠樹雲籠松
偃蹇殘蘆風起雪翻飛愁中攬髮條條短悟後談
禪念念非底事相逢驚羽箭草間狐兔趁人肥

墓碣支橋字未磨

土人取無主墓
碑以補橋隙

沙場白骨亂蓬

科炊煙戶少人如蕤溪壑冰堅水不波應有陽春
回雨露權將痛哭代高歌老夫獨坐思閒事手把
空尊喚奈何

路南行

自彌勒縣境至路南州城凡一百餘里道中
奇石林立見者駭然賦詩狀之得四十四韻
壬午仲冬望我行路南州縱橫百里間奇石叢荒
邱維時大雨雪朔風寒颼颼黃塵昏欲塞拂拭迷
雙眸掀帷忽平楚靈怪紛綢繆首尾自相顧寢食
羊與牛鱗甲儼飛動鬱律龍與鰐伏如馴象蹲行
若祥麟游翩翩舞獨鶴泛泛來羣鷗對峙狻猊怒
吞嗜巴蛇修中曲肖編磬偃臥同覆舟磊砢開揭

難齟齬上下蹂斧斤倩誰施礪礪多雜揉凡茲勢
旁薄渾噩元氣侔仰首睇前林五色雲光浮仙真
列空際服冕兼垂旒威宜揚旌節嚴乃冠兜鍪深
衣古君子執笏朝諸侯神女嬉弄珠猛士強伸鉤
追驥足騰驤承蜩躬偃僂或驚野鬼嘯被髮聲啾
啾或作妖狐媚戴月親閭牖方圓類圭璧精銳森
戈矛畫界分碁坪歷級升層樓羅胸列星宿觀海
登瀛洲離奇罕名狀造物隨雕鏐晨興薄霧蒙晚
息斜陽收疲困始就枕睡鄉非溫柔山靈忽來告

似汝當早休汝面黑且瘦汝目瞽而曉

鳥侯切

汝官

四十年今已甲子周低眉任俯仰食肉無遠謀南
來侵瘴癘百戰驅貔貅生還實僥倖集毀將誰尤
我壽自太古邈焉而寡儔胡爲苦相逼咄咄通冥
幽得天葆其真人世同蚍蜉移山抑何愚獻璞良
可羞我聞內自省勢迫非所由竊位誠素餐天墜
常杞憂神宜告帝座砥柱迴中流埽除鯨鯢窟洗
此浩蕩愁神云汝癡絕大願非易酬曉起呼石丈
見詩應點頭

晤路南周錦章刺史

詩

勞人借榻便駐斲

時下榻州廨

千里風塵浣敝裘寒雨

遠山邱北縣

前宿臚革竜汛屬邱北縣

荒城落日路南州叢生

仙掌如榛蔓

樓櫓皆生仙人掌草

老繫官身似贅疣何事年

光催電火相逢都訝雪盈頭

龍泉觀探梅口占三絕句

滿階落葉聲滿地梅花影破曉客敲門道人呼不省

古梅廿六株香濃勢蟠鬱老懷萬念空只此相思

物

故人知我行留我花間醉

余將於癸未正月去滇
劉熙齋陳蘭卿兩太守

先饒於此何用感離愁聊復尋詩味

黑龍潭觀釣者

萬山深處一重灘薄暮微風欲助瀾我不羨魚魚
自樂魚忘香餌我無竿

玉笙樓詩錄卷十二終